




ILLUSTRISSIMO,
 NOBILISSIMO, FORTISSIMOQUE
 VIRO
 D. D. JOANNI-CAROLO
 DE SENECTERRE,
 GALLIÆ MARESCALLO,
 REGIORUM ORDINUM EQUITI;
 GIVETI ET CAROLOMONTII GUBERNATORI,
 ANTEA CHRISTIANISSIMI REGIS
 APUD REGEM SARDINIÆ LEGATO,
 IN PROVINCIIS PICTONENSI, ALNETENSI,
 SANTONENSI, ET INSULIS ADJACENTIBUS
 SUMMO PRÆFECTO,



101
MÆCENATI OPTIMO,
HAS THESES IN GRATI ANIMI
ET OBSERVANTIÆ TESTIMONIUM

DICAT, VOVET, CONSECRAT

Obsequentissimus & humillimus servus
LUDOVICUS-MARIA GIRARD DE VILLARS.



QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis vigesima-quartâ mensis Novembris, Anno Domini M. DCC. LVII.

M. LUDOVICO ALEXANDRO GERVAISE,
Doctore Medico, Præside.

*An in morbis acutis soli natura * crises molienti fidendum?*

* Id est, corporis
Mechanicismo.

I.



ILLENIS patet infortuniis dolenda sors hominum. Vitæ summa brevis ducit ad orci fauces per salebrosas syrtes. Natos vix dies refecat Atropos pauperum tabernis regumque palatiis æqualiter infensa. Premimur ubique miseriarum mole, acutissimis obruimur morbis. Parcit imbellis senectæ poplitibus, sævit in ardentem juventam tetra febris, velut in floridam mensem dura grando; perturbat ordinatos solidorum motus, laticis vitalis multipliciumque ab eo manantum fluidorum crasim pervertit: hinc ilias malorum quæ pro modulo virium summam adumbrare tentabimus.

Hippocrates & quotquot sunt divi senis interpretes optimi insigniunt nomine morborum acutorum qui celeriter, & vehementer, & continenter, ad statum moventur. Hos dividunt in *extremè peracutos* qui judicantur ad salutem vel ad mortem tertio aut ad summum quarto die, ut febris pestilens; in *peracutos* qui judicantur quinto, sexto, & octavo die, sed septimo sæpius, ut febris ardens; in *simpliciter* vel *exaltè acutos* qui ad decimum quartum diem protenduntur, aut decimum-septimum, aut vigesimum ad summum: in *acutos ex decidentia* qui quadraginta diebus judicantur. Post quadagesimum diem qui finiuntur & judicantur morbi, ut centesimo & etiam centesimo vigesimo die, dicuntur longi, talis est febris quartana.

Sui sunt statim morborum acutorum decursus. Principium non adeò ferox

A ij

clām parat insidias: dolet caput, horret cibos æger, lympham appetit, contristatur, querit requiem, calore deurit, quandoque algent & rigent exteriora, artus quasi franguntur lassitudine spontaneâ, quandoque fodicantur ulceroso dolore, micat febris. Verùm latet anguis in herbâ; fit incrementum, morbus strages edit apertas, nec in tuto sunt res ægri. Augetur eretismus, crescit pressio lateralis in vasa, intenditur sanguinis velocitas, in motum celeriore agitur irritabilis valde, intusculosa & nervea cordis compages, pulsus fit frequentior, velocior, durior, amplior, violentius appellit ad mollem encephali pulpam cruor exæstans, hinc morbi graves soporosi, sensuum abolitio; recalitrant carotides, intumescit numerosa soboles vasorum duræ matris sensibilitate nobis conspectâ pollentis, hinc lancinans oritur capitis dolor, delirium, phrenicis; oculi fiunt feroces, fixi, distorti, audaces, horridi; facies flammatur quandoque cum sudore, labia convelluntur, lingua durefcit, torretur, nigrescit, scinditur non secus quàm terra à sole nimis siccata, circa dentes lentores nascuntur, horumque intervalla nigrescunt; viæ aëris & cibi æstu intolerabili exassantur, occludantur vasa inhalantia, nec potus sedat sitim, respiratio fit præceps, laboriosa, exspiratio ignivoma & cadaverosa, pulmones & pleuram ægrè tranat sanguis, in horum vasis congeritur, hinc peripneumoniæ & pleuritidis varii gradus; modò laryngem & fauces obsidet cruor, hinc angina, cynanche: diversimodè afficitur genus nervosum, saliant motus convulsivi irregulares, tremunt & subsultant artus; perturbatur ordo secretionum & excretionum, humores blandi fiunt acerrimi; bilis sapo eximius, oleosa aqueis aliter infociabilia tenaci sedere jungens, putrescit, & quas alluit partes, pessundat causticâ labe; vix emittitur pallidum & tenue lotium quandoque nigrum; cutis obstitata siccitate igneâ non transmittit sales noxios, hinc corrumpitur & dissolvitur sanguis limites nativos transgressurus quàm facillimè; modò distillat nectaris purpurei parte blandiori & liquidiori, densitatem inflammatoriam retinet cruor, sicque viscerum capillaria infarcit; hinc in abdomine, gastritis, enteritis, hepatitis, splenitis, nephritis, cystitis, hysteritis in scemineo sexu; hypochondria tensa, dura, dolentia, inæqualia; insuper ex saburrâ acri & septicâ fiunt vomitus, diarrhæa, cholera, ileus, dysenteria.

Jàm jam enarrata symptomata perpetuò & simul concurrere in omni morbo acuto, ne existimes velim. Observantur modò hæc, modò illa quæ cæli conditio & ægri constitutio variant in infinitum. In morbi statu vigorem servant præcipua & eodem tenore procedunt per aliquot dies qui constituunt tempus coctionis, cum reverà tunc vires recolligat & totos contendat nervos natura, quò subigat, coquat, & expellat per loca convenientiora omnem materiam morbificam, sicque morbus acutus perfectam attingat judicationem.

II.

MORBOS complures acutorum crisis terminari, codicibus mandarunt veteres medicinæ antistites; unde maximo apud ipsos viguit in honore crisis doctrina. Crises autem seu judicationes significant mutationem morbi subitanam vel ad salutem, vel ad mortem, aut ad melius, aut ad pejus; oriuntur ex violento conflictu morbi & naturæ ferè æqualibus armis invicem colluctantium; supponunt ergò morbos vehementes (nil paucum criticum) naturamque validam seu robustas ægri vires; nō simul concurrant, vix unquam prodibit conspicua crisis. Porro materiæ crudæ morbum acutum facientis evacuatio variam pro variâ ipsius conditione exigit præparationem quâ perficiatur debita coctio, & ex heterogeneis ritè subactis exurgat homogeneitas quædam.

5
Illa autemurationis species non uno absolvitur die; quandoque plures requiruntur septimanæ ut res ex voto sagacis Medici idonea moventis instrumenta, prosperè succedat.

Hippocrates qui naturæ motus, morbi formam & lineamenta lucido veritatis penicillo ad vivum expressit ubique, dies quartenarios & septenarios religiosè observabat in morbis velociter decurrentibus; quippe judicatorias indicant mutationes: (a) *septimorum quartus est index*, & alibi *quibus septimo die funus est crisis*, *is quarto die nubeculam habet urina rubicundam & alia signa pro ratione*.

(a) Hipp. Aph.

24. sect. 2.

(b) Hipp. Aph.

71. sect. 4.

Quancquam quartenarios & septenarios dies præcipuè spectandos, ut potè sæpius judicantes, sanctissimè affirmet, candidè tamen fatetur se vidisse crislum inceptam die critico, fuisse absolutam die intercalari: quin declarat ægros prorsus judicatos ad salutem tertio, quinto & etiam sexto die quem carbone notavit Galenus. Verùm doctrinam generalem nequaquàm infringunt exceptiones opprobriè raræ, atque Hippocratis mentem minùs attingisse videntur qui fingunt illum existimasse omnes dies morbi acuti posse indiscriminatim statui criticos.

Crisim instantem præcedit nox (c) gravis, gelidus per ossa currit tremor, exagitat ægrum perturbatio maxima, contristatur, illacrymatur, desperat de salute cum adstantibus indoctis, vigilat irrequietus, quandoque velut syderatus in veterum delabitur, obscuris vera involvit, incondita loquitur, debacchatur, furit, phrenitide corripitur, non vultus, non color unus, oculi fiunt feroces, quandoque clausi, pectus anhelum, cor salit impetuosis, pulsus præceps, inordinatus. Mox judicatur æger; tumultum excipit serenitas, si crisis suboritur statu morbi, die judicatorio, congruat magnitudini & ideæ morbi aliisque circumstantiis, præcesserint signa pepsini (d) in excrementis variis, evanescant symptomata cruditatis, remittat febris, pulsus evadat æqualior, ordinatur, redeat corporis & animi quies, vigeat cibi appetitus, restituantur functiones in integrum, instauretur habitus corporis; quod evincit indubiè ultimam esse recisam morbi radicem, perfectumque triumphum naturæ simul & artis harmonicè conspirantium. Si seculs acciderit, labor, morbi longitudo, recidiva, mors tandem ærumnarum finis, pertimescenda veniunt.

(c) Hipp. Aph.

13. sect. 2.

(d) Concoctiones, celeritatem pertrahunt judicii, securitatemque salubrem. Hipp. Epidem. lib. 1.

Per varia corporis emunctoria foras exit materia morbifica: per cutem, per alvum, urinarias vias, organa respirationis, per hæmorrhagias, &c. erumpit.

Antiqui naturæ vestigia lustrantes lynceis oculis & acriori judicio, vix mutabiles diversarum crislum leges sanciverunt. Sic prædixerunt sudores criticos ex molli calore cutis colore roseo æqualiter perfusæ, pulsu undoso, magno, molli, vultu micante, rigore præcedente; hæmorrhagiam narium ex hypochondriorum tensione absque dolore, cervicis dolore, pruritu narium, igneo faciei colore, aurium bombo, oculorum caligine tenebrosâ, gravitate & tensione capitis, pulsatione temporum, pulsu forti, vibrante; diarrhæam criticam ex tensione præcordiorum identidem murmurantium, torminibus, strepitu, flatu, ructu, horrore, anxietate, lassitudine, genuum gravitate, lumborum dolore; vomitum ex nausæa, cardialgiâ, sputo tenui, copioso, labii inferioris agitatione convulsivâ, vertigine, dolore capitis mordicante quandoque gravativo, rigore, pulsu inæquali.

Neoterici prædictionum doctrinam perficere certatim allaborant. Solano sagacissimus hujusce ætatis Medicus Hispanus novis inventis orbi medico notissimis inclaruit; hæc confirmavit & modificatus est doctissimus D. Nihell Medicus Hybernus ad cuius opus (e) eximium relegamus plura cupientem.

(e) Observations nouvelles sur les crises. Paris 1748.

Ingeniosissimus D. Senac Archiatrorum comes Bruxellis Solani cando-

rem quandoque probavit experimentis, addiditque circa pulsum valde curiosæ nec non summæ utilitatis : determinavit nempe maximam & minimam pulsus frequentiam tum in morbofo cum in sano statu.

(f) L'Auteur
des recherches
sur les pouls, par
rapport aux cri-
ses, Paris 1756.

Autor anonymus (f) nec indoctus me herclè, edidit opus singularibus referum prædictionibus ex solâ pulsus observatione depromptis, quarum confirmatio multiplex (utinam possibilis!) sagacissimis tentata viris nulli opinioni servientibus, omni præjudiciorum amore vacuis, plurimam arti iatricæ scenerarentur lucem.

In re tanti momenti nervulos adhibui quò propria dubia aperirem ; vix fuerunt perturbati naturæ conatus expectati avidissimè, Fida & attenta, nec non ardua edocuit experientia, 1°. quod hæmorrhagia narium rarò sublequeretur pulsum Solano resilientem, veteribus dicotum seu bis ferientem, vulgò *rebon- dissant*. Ex quatuor ægrotis in quibus indubiè deprehendebatur pulsus resiliens, unus tantum passus est leve sanguinis stillicidium è naribus, nedum quisquam fuerit judicatus homorrhagiâ narium. 2°. Pulsus Solano intermittentem variè modificatum, nec diarrhæam, nec vomitum, nec urinæ profluvium notabile semper prænuntiare, Nihilominus testis fateor non semel diarrhæam supervenisse pulsui intermittenti Solano. 3°. Pulsus Solano incidium qui differt nomine tantum à pulsu simpliciter undoso (non vermiculante) Galeni, vix prænuntiare aut comitari sudores. Criticos sudores cum pulsu incidium semel tantum vidi. Quin manifestissimè, equidem attonitus, observavi pulsum incidium per quatuor dies integros in juvene octodecim annos nato, cui quæque die quater alvus fluxit copiose, desistitque cum pulsu incidio (nullo interim exorto sudore) diarrhæa critica quæ perfectè judicavit ægrum ad salutem. 4°. Pulsus dictum pectoralem ab Auctore anonymo suprà laudato quævis per expectationem prænuntiare & comitari, sæpius vero nequaquam quidquid deblaterent fautores lymphatici.

Ex his colligere est multa desiderari adhuc circa pulsum in ordine adcrises ; & quod insuper dolendum est, pede claudo procedent talia inventa, cum rarò penès sit Medicum spectatoris partes agere in acutis, nè aufugiat volucris occasio curationis anima.

III.

EFFICACISSIMIS auxiliis instructa Medicina, crises eventuras ad felicem exitum disponit : evacuantibus turgentem materiam expellit ; sanguinis missione plethoram, purgantibus primarum viarum saburram educit : temperantibus & demulcentibus calorem moderatur, acrimoniam obtundit : relaxantibus & anodynis nimium tensa & orgasmò irregulari agitata solida, ad statum naturalem reducit : aquosis, diluentibus, attenuantibus, aperientibus, solvit ipsa, glutinosa, obstructa & tenaciter impacta : diureticis materiæ morbificæ effugium querenti per organa uropæa, viam faciliorem sternit : antisepticis acidis putrida biliosa emendat ; cardiacis fractas ægri vires erigit & ad colatorium cutaneum noxia citius adaptat : stimulantibus, vesicantibus necessarium excitat eretismum, torpidis humoribus fluiditatem debitam conciliat, & ad peripheriam irradiatur & determinatur, viâ factâ, peccans materies alioquin devastatura penitus impotentis machinæ delicatiorem fabricam. Igitur quæque criseos species suo adjuvatur velut specifico instrumento eò ducente quò natura vergit.

In hæc paragrapho generales indigitavimus pro arctis theses cancellis fontes remediorum in acutis perpetuò utilium, quæ suppeditat abundè ingens materiæ medicæ campus : horum administratione ritè intellectâ, gubernatâ

lege artis, severo exercitatu ratiocinio, ita subigitur & mutatur materia cruda; morbifica, ut brevi impleantur vota naturæ crises molientis.

I V.

NEC arduum est in medium prolata exemplis corroborare. Quemcumque volueris morbum acutum crisi terminandum feligas, constabit remedia allegata ut plurimum vocanda esse in auxilium quod crisis erumpat. Inconcussa nec unquam interitura veterum Medicorum placita evolventi liquidò patebit. Nonne celebrabant sanguinis missionem ubi nimius vigor, plenior corporis habitus in melius proficere non poterat & ideò deterior mox evasurus? Nec credas venam secando semper jugulare ægros usque ad animi deliquium. Audi Medicinæ Dictatorem de phlebotomiâ prudenter agentem: (a) *non tamen usque eò vacuando pergi velim, ut vasa in se penitus concidant, hoc enim tutum non est: sed quantum natura feret, eò usque progredi oportet. Extrema vacuationes periculosa;* & alibi. (b) *Omne nimium natura inimicum.*

(a) Hipp. Aph. 3. sect. 1. vid. ejusdem coacorum, n.º 491.

(b) Aph. 52. sect. 2.

Hippocrati assentitur Galenus qui in methodo medendi enumerat pericula, quæ extremas vacuationes præsertim sanguinis sequuntur, nec nisi in (c) acutissimis usque ad sex libras sanguinem educebat & in ægris aliundè robustis, valde plethoricis & ætate florentibus, vix unquam in senibus aut pueris. (d) *Atque ubi ad animi usque deliquium educere convenit, faciendum si ægrotus par esse possit,* & alibi ad extremos morbos, extrema remedia exquisitè optima. . . Nonnè in tradendis victûs & purgationis legibus ferè totus est in aureis aphorismis optimus Senex? Nonnè soliùs prisanæ nutrientis, temperantis & inviscantis usu mirè intellecto, humorum calorem & acrimoniam irretiebant, dum eodem potu analeptico cōstitiùs resarciebant corporis jacturas? Nonnè melicrator, oxymelle & aliis medicamentis leviter saponaceis emendabant humorum lentorem & crassitudinem? Nonnè purgantibus liberabant viscera turgenti materiâ? (e) *Purgandum in valde acutis si ad sui excretionem invitet materia, eodem ipso die: effere enim in talibus malum est;* & alibi (f) *cruda movenda si turgant.* . . quid plura? ergò apprimè callebant quod licet natura totis viribus eniteretur quò debellaret, subigeret, coqueret, & coctam expelleret materiam morbificam, non sufficeret tamen sola oneri levando, ni succurreret Medici dextra. Observamus enim quotidie naturam debiliorem conatus ultimos frustra exerentem, mox ex toto defecturam, ni suppetias ferat promptuarium medicum. Attendas ægrum expectoratione criticâ judicandum. Nonnè copiâ puris (ut evenit post peripneumoniam nullâ arte resolubilem) humorisfe bronchialis inspissati & accumulati onere suffocaretur ægrotans, nisi cardiacis, balsamicis, & bechicis incidentibus, fundus virium accresceret, pulmonibus gravi morbo fatigatis & quasi inertibus accederet stimulus efficax, sicque paulatim anacatharsi sapienter actâ, vitalis functio respirationis ritè tandem procedat.

(c) Vid. Gal. comment. in lib. 1. de victus ratione.

(d) Hipp. Aph. 23 & 6, sect. 1.

(e) Hipp. Aph. 10. lib. 4.

(f) Hipp. Aph. 22, sect. 3.

Verum nullibi clariùs elucescit nostræ sententiæ veritas quàm in variolis. Quid non possint ad harum eruptionem, inflammatorique virûs variolosi ex-tricationem, venæ sectio ubi vires sunt potiùs oppressæ quàm exhaustæ, nimisve ferocientes; emelîs ubi infarciuntur primæ viæ, & hebetatur natura quasi nescia proprii discriminis; balneum aquæ tepidâ ubi cutis aridior, sic-cior, obstat eruptioni criticæ quod olim tentavit cum successu (g) D. Lemery; aut fortis tum faciei tum reliqui corporis quartâ quâlibet horâ cum linteo molliori aquâ tepidâ imbuto, ut expertus est feliciter (h) D. Martin Med. Lausanensis; quid demùm valeant cardiaca hypnoticis maritata nulli Medicorum hodie dùm non notum est: Sic pro variis circumstantiis accuratâ severi ju-

(g) Vid. Hist. Acad. Scient. an. 1711. pag. 30.

(h) Vid. Hist. Acad. Scient. an. 1737. pag. 48.

Similia suader
classif. D. Hur-
ham in eximio
de variolis ten-
tamine.

dicii trutinâ pensitatis hoc vel illud auxilium egregiè succurrit insufficienti na-
turæ; quod si tempore suppurationis non ritè procedentis delitescant pustulæ,
puris variolosi ad sanguinis oceanum reflui resorptione, tunc pro re natâ, venæ
sectio, emetica, cardiaca, vesicantia, sunt citò citiùs adhibenda ut denuò
repleantur pustulæ, & affulgeat spes salutis, Hæc comprobantur quotidianâ ex-
perientiâ: docent Sydenhamius, Boerhaavius, Freind, Mead, Fluxham.

V.

HA CTENUS memorata ulteriori probatione non indigent, vixque mi-
nimam patiuntur difficultatem. Objicies tamen adversari aphorismo Hip-
pocratis dicentis: (a) *que judicantur & judicata sunt integrè, nec movere, neque aliud
quidquam novare, vel medicamentis vel aliis irritamentis, sed sinere oportet.* Super-
ius dicta perpendenti faciliè exorietur responsum, Etenim cùm supponatur na-
tura viribus sufficientibus prædita ut vincat morbi materiam ad excretionem
jam antea ritè comparatam, præcipuum curationis negotium huic potest com-
mitti, licet nullus inficias ire queat hic & etiam Medicum subministrare opem
qualemcunque. Verum talis casus oppidò rarus occurrit tantùm in acutis ubi
vires ægri robustæ morbum benignum quasi ludunt. Similiter Medicus sagax nil
moveret in quartanâ superveniente melancholiæ, epilepsiæ, lepræ, scabiei, cùm
illa febris, docente summo coacorum oraculo, fiat tunc medicina corporis
commutando & expellendo, adauctâ vasorum energiâ, horum ce morborum
materiam . . . Urgebis, (b) *raro movendum in acutis cùm cruda raro turgcant.*
Hic cogimur recedere ab Hipp. sententiâ cùm juremus solum in verba veritatis,
Observant enim perpetuò totiùs Europæ practici meritissimâ, quod in morbis
acutis materia cruda plerùmque turgcat, peccetque quantitatè & qualitate simul:
undè primis morbi diebus comprobatur idoneorum evacuantium necessitas,
quò præcaveantur inflammationes & exacerbationes; dein cruda restans ma-
teries faciliùs coquitur arte ministrâ naturæ, sicque crisis feliciùs erumpit.

Ergo in morbis acutis non soli natura crifes molienti fidendum.

DOMINI DOCTORES DISPUTATURI.

M. Joannes - Baptista Thu-
rani.

M. Ludovicus - Petrus Felix
Renatus le Thieullier, Regis
Consiliarius & in Majori
Consilio, nec non in magnâ
Regia domus & Francie Præ-
fector & Medicus ordinarius.

M. Josephus Exuperius Bertin;
Supremi Valachia & Mol-
davia Principis, dum vive-
ret, Medicus ordinarius, &
Regia Scientiarum Acade-
miæ Socius.

M. Carolus Gillet, Legationis
Gallicæ apud Sacras & Ca-
sareas Majestates Med. ord.

M. Petrus Ludovicus Maria
Malot, Scholarum Prof.
designatus.

M. Carolus Dionis.

M. Ludovicus - Anna Lavi-
viotte, Censor Regius.

M. Alexander-Dionysius Die-
nert, Bibliothecæ Facultatis
Præfectus designatus.

M. Gedeon de Rabourti.

Probonebat Parisiis LUDOVICUS - MARIA GIRARD DE VILLARS;
Lucio - Picto, Doctor Medicus Montpelienfis, Collegii Regii Medicorum
Rupellæ Socius, Saluberrimæ Facultatis Medicinæ Parisiensis Baccalaureus,
Theseos Auctor, A. R. S. H. 1757, & SEXTA AD MERIDIEM.

Typis Viduæ GUILLAV, Universitatis & Facultatis Med. Typogr. 1757.